

# FONDACIJA CURE VIJESTI

Oktobar/Novembar/Decembar 2022.

## Četvрто izdanje u 2022.

Želimo dobrodošlicu povodom novih Vijesti Fondacije CURE koje obuhvataju događaje i novosti iz naše zajednice tokom perioda oktobar – decembar 2022.

Uživajte u čitanju i ostanimo u kontaktu!



\*EU okrugli sto u Mostaru, 10.11.2022.

\*EU okrugli sto u Lukavcu, 1.11.2022.

\*EU okrugli sto u Srebrenici, 24.11.2022.

\*EU online kampanja povodom „16 dana aktivizma“

Fondacija CURE (CURE) i Fondacija za osnaživanje žena (FWE) organizirale su pet okruglih stolova na kojem je učestvovalo 88 osoba (saradnice u projektu, predstavnici/e lokalnih institucija kao što su predstavnici/e općine, zdravstvenog sektora, centara za socijalni rad, zavoda za zapošljavanje, obrazovnih institucija, medija i nevladinih organizacija), a sve u okviru projekta „Zagovaranje za ženska prava“ koji finansira Evropska unija. Okrugli stolovi organizirani su u pet lokalnih zajednica: Lukavac (16 učesnika/ca), Mostar (21 učesnik/ca), Konjic (12 učesnika/ca), Srebrenica (27 učesnika/ca) i Banja Luka (12 učesnika/ca), a ostvareni su dijalozi i saradnja između institucija na lokalnom nivou i organizacija civilnog društva s ciljem unapređenja životnih uslova na lokalnom nivou. Početkom decembra 2022. godine rezultati ovog dvogodišnjeg (2021. – 2022.) projekta predstavljeni su na konferenciji za medije. Neki od tih rezultata su:


Preko 30 braniteljica ženskih prava iz 10 nevladinih organizacija postale su pokretačice

- pozitivnih promjena u svojim lokalnim zajednicama;
- Članice 10 organizacija sa kojima smo saradivale ojačale su svoje kapacitete za lobiranje i zagovaranje kroz 15 različitih treninga koje smo organizirale u sklopu projekta;
- Preko 100 članica iz 10 nevladinih organizacija učestvovalo su u izradi 10 zagovaračkih planova za buduće djelovanje na lokalnom nivou;
- Iz 10 lokalnih zajednica proizašlo je preko 20 inicijativa ka lokalnim institucijama i građanstvu koje su provodile lokalne organizacije uz podršku i mentorstvo Fondacije CURE i Fondacije za osnaživanje žena;
- Održano je 10 okruglih stolova za predstavnike/ce lokalnih institucija i nevladinih organizacija u 10 lokalnih zajednicama sa ciljem dobijanja podrške lokalnih institucija i saradnje sa nevladinim organizacijama kako bi se poboljšali uslovi života žena.

# Zalaganje za ženska prava u Bosni i Hercegovini

Digitalno zagovaranje  
Fondacija Cure  
Fondacija CURE

Digi  
zago  
liza



\*2.12.2022., Razgovaramo sa sjajnom aktivisticom Enidom Glušac (Udruženje RENESANSA iz Sarajeva) o ljubavi, hrabrosti, otporu.  
\*Konferencija, novembar 2022.

U okviru projekta „Zalaganje za ženska prava“ kojeg podržava švedska feministička organizacija Kvinna till Kvinna, Fondacija CURE organizirala je 10 događaja digitalnog zalaganja. Naša digitalna zalaganja odvijala su se live (uživo) u popodnevnim satima (18:00), što je svima onima koji nas prate putem socijalnih mreža omogućavalo direktnu interakciju sa gošćama/gostima u našem studiju. Naš cilj je bio da naše ekspertice/ti iz oblasti brige o sebi, nasilja nad ženama, ekonomskog osnaživanja žena ili ženske političke participacije odgovore na sva pitanja i komentare u momentu u kojem ih dobiju, te da razgovor zapravo bude usmjeren prema potrebama samog gledateljstva. Svaki naš događaj je sniman što nam je omogućilo da na kraju godine objedinimo sve digitalne događaje i objavimo ih na našem YouTube kanalu. Naš namjera je da putem digitalnog zagovaranja potaknemo aktivistice/te, novinarke/re, studentkinje/te na razmišljanje i dalje istraživanje tema o kojima je bilo riječi. Posebnost samog digitalnog zalaganja je mogućnost uključivanja govornica/ka iz njihovog mesta boravka, što predstavlja jednu vrstu hibridnog javljanja uživo, ali i činjenicu da fizičke prepreke lako prevazilazimo. Ovo je posebno bitno kada nastupamo kao kolektiv zaštitnica ženskih prava u Bosni i Hercegovini o čemu svjedoči naše digitalno javljanje pred samu kampanju „16 dana aktivizma“ kada smo uključivanjem aktivistica iz Banje Luke, Bijeljine, Konjica, Goražda, Trebinja, Zenice, Mostara i Banje Luke predstavile aktivnosti iz pomenutih

lokalnih zajednica, ali i podijelile informacije o samoj Globalnoj kampanji, web lokaciji kalendara i poslale individualne poruke solidarnosti sa preživjelima nasilja. Također, posebnu pažnju smo posvetile pitanjima brige o sebi kroz razgovor sa aktivisticom koja je preživjela rak dojke, kao i kroz razgovor sa psihoterapeutkinjom o pregrijevanju (burn-out) aktivistica za ženska prava. Učimo zajedno da je pored stalnog zalaganja za ženska prava potrebno negdje pronaći i vrijeme za sebe i za brigu o sebi.

U novembru 2022., u okviru naše godišnje zalagačke konferencije, iskoristile smo digitalne tehnologije i omogućile live-stream konferencije na našim socijalnim mrežama, kao i javljanje uživo zaštitnica ženskih prava koje fizički nisu mogle biti sa nama. Obradile smo ključne teme pod nazivom: Ženska prava u BiH u globalnom kontekstu, Analiza izbornog rezultata Općih izbora u BiH 2022 kroz rodnu perspektivu, Vidljivost kandidatkinja na Opštим/Općim izborima 2022., Pozicija rodne politike i ženska perspektive u političkim koalicijama u BiH, Rodna perspektiva kao politički zalog – iskustva politički aktivnih žena na ovogodišnjim Općim izborima, Femicid i društvene norme kroz osrvt na regionalnom i lokalnom nivou, te smo se dotakle tema o kojima će posebno biti riječi u narednom periodu: Ženska prava i pitka voda – zaštitnice voda, Siromaštvo žena u Bosni i Hercegovini, kao i Rodni kontekst pristupa Evropskoj uniji.



\*Regionalni sastanak za umrežavanje aktivistica Pokreta za rodnu pravednost 7 - 8. 11. 2022., Sarajevo

U sklopu projekta Movement-Led Approach (Pristup predvođen pokretom) koji je pokrenuo Globalni fond za žene (GFW) u osam balkanskih zemalja (Albanija, Bosna i Hercegovina, Hrvatska, Kosovo, Sjeverna Makedonija, Crna Gora, Slovenija i Srbija), Fondacija CURE organizirala je 7. i 8. novembra u Sarajevu Regionalni sastanak za umrežavanje aktivistica Pokreta u regiji Zapadnog Balkana na kojem je učestvovalo 59 predstavnika/ca pokreta za rodnu ravnopravnost i

rodnu pravednost. Prvi dan organizirale smo fokus grupe/intervjuje za svaku od zemalja, a drugi dan smo razgovarale o zajedničkim regionalnim i nacionalnim akcijama/kampanjama na sljedeće teme: Rodna pravednost, LGBTIQ+ prava, Seksualno i rodno zasnovano nasilje, Ravnopravnost s posebnim fokusom na manjinske i marginalizirane skupine žena, Aktualni problemi - akcije koje nisu spomenute i Kampanje na društvenim mrežama.

## Feminizam nije vodio ratove



\*Seminar „Od izbora do izbora“, Sarajevo, 13. - 16. 10. 2022.

Fondacija CURE uspješno je završila realizaciju projekta „Feminizam nije vodio ratove“ uz finansijsku podršku Fondacije HBS Bosna i Hercegovina. Cilj projekta bio je da se ukaže na različite izazove sa kojima se susreću i sa kojima su se ranije susretale žene koje su željele da budu politički aktivne i da daju svoj doprinos u izgradnji bolje budućnosti BiH. Provodeći ovaj projekt željele smo da pomognemo i podržimo sve žene

koje žele da, bez obzira na prepreke i probleme na koje nailaze, naprave iskorak i budu aktivne sudionice političkog i društvenog života Bosne i Hercegovine.

Kao završna aktivnost održan je seminar „Od izbora do izbora“ na kojem je prisustvovao veliki broj politički angažiranih žena iz različitih političkih stranaka iz BiH.

# Ekonomsko osnaživanje



\*4. 10. 2022., Sastanak sa učenicama Druge gimnazije

Fondacija CURE od 2021. godine implementira projekat „Zagovaranje za ženska prava u Bosni i Hercegovini“ koji podržava švedska Fondacija Kvinna Till Kvinna. „Feminističke aktivnosti zagovaranja za ekonomsko osnaživanje i društvenoekonomske mjere podrške za većinu marginaliziranih skupina žena“ čine zasebni dio ovog projekta. Cilj projekta bio je razvoj adekvatnih strategija i donošenje institucionalnih mjera ekonomskog osnaživanja marginaliziranih grupa žena s posebnim akcentom na žene koje su preživjele nasilje u porodici u FBiH. U prethodnom periodu dale smo doprinos u pisanju ALTERNATIVNOG IZVJEŠTAJA O NAPRETKU BOSNE I HERCEGOVINE NA PUTU ZA ČLANSTVO U EVROPSKOJ UNIJI ZA 2021.

GODINU: POLITIČKI KRITERIJI (Link: [https://eu-monitoring.ba/site/wp-content/uploads/2022/05/BHS\\_FINAL\\_WEB-1.pdf](https://eu-monitoring.ba/site/wp-content/uploads/2022/05/BHS_FINAL_WEB-1.pdf)) u segmentu Socijalne politike i zapošljavanja – “Učešće žena na tržištu rada – zapošljavanje i rodna ravnopravnost”.

2. 10. 2022. godine održan je sastanak sa Nasihom Kovačević, Eminom Malkić i Eminom Vatrić, učenicama Druge gimnazije iz Sarajeva, na temu ekonomskog osnaživanja žena. One obrađuju ovu temu u svom seminarskom radu, te smo razgovarale o spolnoj diskriminaciji na tržištu rada, statističkim podacima i o koracima Fondacije CURE ka postizanju rodne jednakosti na tržištu rada.

# Žene i izgradnja mira u Bosni i Hercegovini

## Neustrašive heroine mira

Publikacija individualnih priča žena  
o izgradnji mira u Bosni i Hercegovini  
kroz lične i stvarne borbe



\*Promocija publikacije „Neustrašive heroine mira”

\*Publikacija „Neustrašive heroine mira”

Projekat „Žene i izgradnja mira u Bosni i Hercegovini“ imao je za cilj podizanje svijesti građana/ki o neophodnosti uključivanja žena u sve faze pregovora o miru i izgradnji mira. Projekat se temelji na preporukama istraživanja „Suočavanje s nemirom i izgradnja mira iz perspektive „postdejtonске žene“ i pruža priliku za uključivanje mladim ženama, ženama srednje i treće dobi, pripadnicama manjinskih i marginaliziranih grupa, povratnicama, ženama koje su preživjele nasilje i diskriminaciju, tražiteljicama azila, te djeci rođenoj kao posljedica ratnog silovanja prepoznatim kao agenti/ce pozitivnih promjena u kontekstu izgradnje mira u BiH.

Fondacija CURE je od početka 2022. godine počela da radi na mapiranju, prikupljanju i sažimanju ličnih priča i portreta žena kako bi bile dostupne široj javnosti kroz publikaciju/istraživanje i digitalne priče koje će se promovirati kroz online platforme.

U periodu od oktobra do decembra održana je radionica na temu „Žene i izgradnju mira u Bosni i Hercegovini“ i to 24. 10. 2022. godine u Varešu u saradnji sa članicama Udruženja žena za ruralni razvoj, održivi povratak, reintegraciju i resocijalizaciju povratnika „ZVIJEZDA“. U sklopu „16 dana aktivizma protiv rodno zasnovanog nasilja“ partnerske organizacije Udruženje žena za ruralni razvoj, održivi povratak, reintegraciju i resocijalizaciju povratnika „ZVIJEZDA“, Udruženje „Ženska vizija“ Tuzla i Udruženje građana Dnevni centar za socijalnu skrb „Kuća otvorenog srca“ organizirale su u svojim lokalnim zajednicama panele/radionice/uličnu akciju.

Predstavljanje publikacije „Neustrašive heroine mira“ održano je u srijedu 14. 12. 2022. godine u Galeriji MAK. Publikaciju su predstavile recezenterkinja Ranka Katalinski i dvije bosanskohercegovačke heroine koje su podijelile svoje priče: Ajna Jusić (predsjednica Udruženja „Zaboravljena djeca rata“ i mirovna aktivistkinja) i Jasmina Omerbegović (majorka i pripadnica Oružanih snaga Bosne i Hercegovine), a razgovor je vodila novinarka Rubina Čengić .

Priredivačice publikacije „Neustrašive heroine mira“ Jasna Pekić i dr. Tajma Kapić su napisale: „Osnovni motiv pisanja ove publikacije je dati otvorenu podršku svakoj od žena koja nam je učinila čast i podijelila svoje lično iskustvo, te podići kolektivnu svijest o važnosti napora o kojima ove žene pričaju. Nadamo se da pričanjem njihovih priča široj javnosti dajemo doprinos širenju svijesti o datim problemima. Iz njihovih iskustava svaka osoba može jako puno naučiti.“

U toku je online kampanja i promocija filma/digitalnih priča o Ženskom sudu i feminističkom pristupu pravdi - Regionalnom susretu Ženskog suda koji je održan od 11. do 13. maja 2022. godine u Sarajevu.



\*Ženska mreža, 12. 10. 2022.

12. 10. 2022. godine Ženska mreža BiH se u digitalnom formatu obratila javnosti putem socijalnih mreža nakon još jednog stravičnog ubistva žene u Bosni i Hercegovini. Tokom online javljanja imale smo priliku čuti reakcije iz Glasa žene Bihać – posebno iz aspekta lokalne zajednice gdje je ubistvo izvršeno, zatim javljanje kolegice Aleksandre Petrić iz Udruženih žena Banja Luka koja je sa nama podijelila informacije o Regionalnom izvještaju o pitanjima femicida, dr. Ivanke Marković koja se posebno osvrnula na sudsku praksu u izricanju sankcija za ubistva žena, te Duške Andrić iz Centra ženskih prava Zenica koja je govorila o odnosu društva prema nasilju nad ženama i femicidu. Tim povodom pozvale smo i građanke i građane Bosne i Hercegovine da se pridruže pozivu ženskih organizacija iz 19 lokalnih zajednica u Bosni i Hercegovini da svojim izlaskom na ulice jasno pošalju poruku nadležnim da je konačno došlo vrijeme da se na probleme nasilja nad ženama, a

posebno ubistva žena jer su žene – odgovori najstrožijim sankcijama.

U novembru 2022. godine Ženska mreža BiH je tokom svoje kampanje podizanja svijesti o nasilju nad ženama, a u okviru 16 dana aktivizma protiv rodno uvjetovanog nasilja, dodijelila pet malih grantova organizacijama članicama za aktivnosti u njihovim lokalnim zajednicama. Sredstva za aktivnosti koje se posebno tiču podizanju svijesti o nasilju nad ženama i femicidu su doibile: Udruženje žena „ROMKINJA“ iz Bijeljine za projekat „Nisi rođena da trpiš nasilje“, Udruženje „Ženska vizija“ iz Tuzle za projekat „STOP nasilju – ono je korak do femicida“, Udruženje „Inicijativa građanki i građana Mostara“ za projekat „Ne mogu više“, Udruženje žena „NERA“ iz Konjica za projekat „Femicid kroz istoriju – vještice i anđeli“ i Udruženje žena „DERVENTA“ za projekt pod nazivom „Prevencijom do NULTE tolerancije na nasilje nad ženama i djevojkama“.



„**UJEŠTICE  
&  
ANĐELI**“



Ženska mreža BiH



\*Mir sa ženskim licem - Obilježavanje dana sjećanja na stradanje žena, 8.12.2022. u Sarajevu  
\*Okrugli sto „Obrazovanje obespravljenih žena korak ka ekonomskom osnaživanju“

Fondacija CURE je u okviru inicijative „Mir sa ženskim licem“ organizirala 8.12.2022. godine uličnu akciju povodom dana sjećanja na stradanje žena u ratu. Obilježavanjem 8. decembra ukazuje se na nepravedan odnos društva prema ženama koje su žrtve rata, a koje nemaju adekvatno mjesto u kolektivnom sjećanju, bez spomenika ili dana kada bismo ih se sjećali/e i otrgli/e od zaborava. Dan sjećanja na stradanje žena u ratu bio je obilježen i ove godine u 12 gradova Bosne i Hercegovine, a Sarajevo je jedno od njih.

Fondacija CURE kao partnerica u projektu „*Obrazovanje obespravljenih djevojaka/žena u BiH*“ i Visoka škola za turizam i menadžment Konjic, uz podršku Ambasade Republike Slovenije u Bosni i Hercegovini i Nj.E. Damijana Sedara kao domaćina, organizirale su 9.11.2022. Okrugli sto na temu „Obrazovanje obespravljenih žena korak ka ekonomskom osnaživanju“. Organizacijom ovakve manifestacije željele smo da krenemo sa ozbiljnim i konkretnim rješavanjem pitanja siromaštva i diskriminacije žena.

# Rodno osjetljive lokalne politike općine Centar Sarajevo u procesu pristupanja EU



\*Uklonimo nevidljive barijere – jedan od bilborda postavljenih u Sarajevu, decembar 2022.

U okviru projekta „Rodno osjetljive lokalne politike općine Centar Sarajevo u procesu pristupanja EU“, koji sufinansiraju Evropska unija i Švedska agencija za međunarodni razvoj (SIDA), provedena je zagovaračka kampanja u cilju informisanja javnosti o značaju lokalnih gender akcionalih planova kao i u cilju promoviranja Analize GAP-a općine Centar sa pratećim preporukama. Fondacija CURE stoga je objavila nekoliko poruka koje se mogu pročitati na bilbordima na različitim lokacijama u općini Centar uključujući najvažniju poruku “Uklonimo nevidljive barijere – uključimo društveno marginalizirane skupine žena u sve lokalne politike”. Nadalje, održana su tri digitalna događaja gdje se su se iz studija Fondacije CURE obratili/e stručnjaci/kinje za rodnu ravnopravnost i gender akcione planove. Događaje digitalnog zalaganja možete pogledati na sljedećim linkovima:

Rodno senzitivni pristup EU i značaj Gender akcionalih planova | Facebook

Rodno senzitivni pristup EU kroz prizmu analize Gender akcionog plana Općine Centar | Facebook <https://fb.me/e/3KXmWj5XH>  
Napisana su i četiri zagovaračka članka:  
Strateška partnerstva javnog i civilnog sektora kao faktor koji doprinosi efikasnijoj realizaciji lokalnih politika za rodnu ravnopravnost i poboljšanju položaja žena i djevojčica, posebno iz marginalizovanih grupa autorice Sanje Dakić Petrović  
Šta je ranjivost bez podataka? autora Brahma Kajevića  
Upoznavanje marginalizovane grupe i pristup EU autorice Aide Mehdić i  
Gdje je rodna ravnopravnost u procesu EU integracija BiH? autorice Amine Dizdar.  
Članke možete pročitati na sljedećem linku:  
<https://fondacijacure.org/rodno-osjetljive-lokalne-politike-opcine-centar-sarajevo-u-procesu-pristup-anja-eu-3/>

\* Sadržaj ove objave isključiva je odgovornost Fondacije CURE i ne odražava nužno stavove Evropske unije ili Švedske agencije za međunarodni razvoj i saradnju.



## Inicijativa „Građanke za ustavne promjene“

Inicijativa „Građanke za ustavne promjene“ u oktobru je organizirala sastanak sa Senadom Hadžić, predstavnicom Skupštine građana Bosne i Hercegovine. U saradnji sa portalom BUKA objavljen je tekst pod nazivom „Bosna i Hercegovina spremna za rodnu ravnopravnost kao temeljnu vrijednost demokratskog društva“. Delila Hasanbegović Vukas i Sanel Hadžić predstavili su Inicijativu „Građanke za ustavne promjene“ u sklopu online događaja digitalnog zagovaranja koji se organiziraju i emituju iz online studija Fondacije CURE.

28.10. 2022. godine predstavnice Inicijative prisustvovalle su obraćanju predsjednice Evropske komisije Ursule von der Leyen koja je posjetila BiH u okviru regionalne posjete Zapadnom Balkanu. Tokom posjete, predsjednica von der Leyen obratila se političkim predstavnicima/ama u BiH, predstavnicima/ama civilnog društva i predstavnicima/ama kulturne i poslovne zajednice.

U mjesecu novembru Inicijativa „Građanke za ustavne promjene“ predstavljena je na Pravnom fakultetu Univerziteta u Sarajevu, na Katedri za međunarodno i javno pravo - predmet Teorija roda. U saradnji sa portalom fokus.ba objavljen je tekst „27 godina DEJTONA: Da li će u 21. vijeku žene napokon postati ustavna kategorija u BiH?“. Objavljeno je i OTVORENO PISMO povodom 27 godina od potpisivanja Dejtonskog mirovnog sporazuma, te je održan okrugli sto i predstavljanje Inicijative u Modrići.

U Sarajevu je 2.12.2022. godine održana ulična akcija u organizaciji Fondacije CURE i Mreže za izgradnju mira tokom koje su aktivistice Inicijative razgovarale sa građanima/kama i medijima o prioritetima Inicijative „Građanke za ustavne promjene“.

Više informacija o aktivnostima Inicijative „Građanke za ustavne promjene“ možete pronaći na <https://gradjankezaustavnepromjene.wordpress.com/>



\* „16 dana aktivizma“, ulični performans, 25. 11. 2022., Sarajevo  
\*ONLINE KAMPANJA Stop femicidu, „16 dana aktivizma“, 25. 11.- 10. 12. 2022.

Svi/e mi želimo da se poštuju naša ljudska prava i da živimo bez nasilja. Nažalost, to nije slučaj kada su u pitanju mnoge žene i djevojčice diljem svijeta. Nasilje ne poznaje granice. Širom svijeta, od Bosne i Hercegovine do Dominikanske Republike, žene se bore za svoja osnovna ženska prava.

Fašizam promovira autoritarizam, militarizam i nacionalizam, vrijednosti koje dokazano potiču nasilje i rat. Rat nesrazmjerne pogoda žene i djevojčice, kako kratkoročno tako i dugoročno. Žene i djevojčice glavne su mete seksualnog nasilja i trgovine ljudima tokom ratova, a u postkonfliktnim društвима rodno uvjetovano nasilje i dalje raste.

Stoga je Fondacija CURE centralnu temu u okviru Kampanje nazvala: **FEMINIZAM NIJE VODIO RATOVE – Klerofašizam jeste!**

### RATOVE – KLEROFASIZAM JESTE!

Od mnogobrojnih aktivnosti koje smo provele, izdvajamo:

Ulični performans pod nazivom „Stop femicidu! Femicid – ubistvo žena samo zato što su žene“, koji se održao 25.11.2022. godine u 12:00 sati na platou ispred Sarajevo City Centra (SCC), kojim smo skrenule pažnju na žrtve femicida i na nasilje nad ženama koje se dešava svake sekunde na planeti i koje često završava ubistvom. U periodu od 1.1.2022. godine do 13.11. 2022. godine ubijeno je 11 žena, a do ovih podataka Fondacija CURE došla je na osnovu zabilježenih medijskih izvještaja. Postavljeni sto sa praznih 11 stolica i 11 praznih šoljica za kafu na trgu ispred SCC-a u Sarajevu u okviru ulične akcije „Stop femicidu!“ predstavljaju broj ubijenih žena u BiH u 2022. godini (prema medijskom izvještavanju) i predstavljaju sramotu Bosne i Hercegovine.

### ONLINE KAMPANJE u sklopu „16 dana aktivizma,::

**ONLINE KAMPANJA „Nulta tolerancija na nasilje“** u sklopu projekta „Zagovaranje za ženska prava“ kojeg finansira Evropska unija, a realizuju Fondacija CURE i Fondacija za osnaživanje žena. Promocija na društvenim mrežama kartica o nultoj toleranciji na nasilje nad ženama i edukativni materijal o rušenju stereotipa vezano za GBV.

promovisale #NijePorodičnaTragedijaVećUbistvo #PatrijarhatUbija #NasiljeNijePrivatnaStvar #PrekinimoŠutnju #FemicidSeNeDešavaSlučajno #NećemoVišeDaŠutimo

#16days #letsendfemicide #FondacijaCURE #16danaaktivizma #stopfemicidu #rodnozasnovanonasilje

**ZAHTEVAMO:** Uvođenje pravne definicije femicida! Propisivanje femicida kao krivičnog djela u zakonskim aktima!

**ONLINE KAMPANJA „FEMINIZAM NIJE VODIO RATOVE – Klerofašizam jeste!“** u kojem smo



\*EFI mreža - Okrugli sto, 3. - 4. 11. 2022. u Bejrutu

\*Ženski mirovni susret u Sarajevu, 5. 11. 2022.

\*IGLYO godišnja konferencija članica, Brisel, Belgija, 13.- 17. 10. 2022.

## EuroMed Feministička inicijativa

Članica Fondacije CURE učestvovala je u EuroMed Feminističkoj inicijativi EFI, odnosno sastanku i okruglom stolu pod nazivom „Agenda Žene, mir i sigurnost (WPSA)“ u periodu od 3. do 4. 11. 2022. godine u Bejrutu na kojima se raspravljalo o WPSA, te su se usvojile regionalne smjernice za njenu provedbu, a raspravljanje je i o Regionalnom indeksu o WPSA i njegovom usvajanju. Članice EFI mreže razmijenile su iskustva i znanja o provedbi WPSA u različitim kontekstima i predstavile rezultate nacionalnih konsultacija u sedam zemalja južnog Sredozemlja, što daje temelj za razradu regionalnih smjernica za podršku provedbi. Kratki video sa okruglog stola možete pogledati ovdje:

[https://drive.google.com/file/d/1di810EJX8d0nqjWBCKucdBv5TviB\\_Obp/view](https://drive.google.com/file/d/1di810EJX8d0nqjWBCKucdBv5TviB_Obp/view)

## Mreža za izgradnju mira

Članica Fondacije CURE Jadranka Miličević učestvovala je u radu Komisije za selekciju dobitnika Mirovne nagrade „Goran Bubalo“ za 2022. Fondacija CURE posthumno je nominovala Stanojku Canu Tesić iz Bratunca. Dodjela nagrada održala se 9. 12. 2022. godine u Banjoj Luci gdje je Edin Ramulić nagrađen za dugogodišnji doprinos borbi za ljudska prava. Nagradu u istoj kategoriji dobio je i Sead Đulić za doprinos borbi za istinu i pravdu u bosanskohercegovačkom društvu. Specijalna nagrada posthumno je dodijeljena Stanojki Cani Tešić za izuzetni doprinos u borbi za prava žena i doprinos borbi za pomirenje.

## ERA - LGBTI Equal Rights Association for Western Balkans and Turkey

Članica Fondacije CURE u prethodnom je periodu učestvovala na događajima koji su organizirala ERA mreže, od čega izdvajamo online Regionalnu konferenciju o političkoj participaciji LGBTIQ+ osoba koja se održala u periodu od 3. - 5. 12. 2022. u Zagrebu.

## Inicijativa za monitoring evropskih integracija BiH

Krajem novembra prisustvovali smo konferenciji „EU kandidatski status za BiH: Između zasluga i očekivanja“ koji je organizirala Inicijativa za monitoring evropskih integracija BiH i Friedrich Ebert Stiftung u BiH. Konferencija je održana povodom dobijanja preporuke Evropske komisije za dodjeljivanje kandidatskog statusa BiH.

## Ženski sud – regionalni organizacioni odbor

4. i 5. 11. Prisustvovali smo Ženskom mirovnom susretu u sklopu Ženskog suda koji je organiziralo Udruženje žrtava rata „Foča 92-95“, Sarajevo i Žene u crnom. Na mirovnom susretu učestvovali su, osim organizatorki, feminističke terapautkinje, svjedokinje Ženskog suda iz Đulića, Sarajeva, Zagreba, Kotora, Tuzle, Pljevalja... Željele smo da zajedno promišljamo o učešću žena u izgradnji mira i dostizanju pravde, kao i o preprekama i izazovima u zadovoljavanju pravde i postizanju pravednog mira. I naravno, željele smo da prenesemo iskustva Ženskog suda – feminističkog pristupa pravdi. Cilj ovog susreta bio je bolje međusobno upoznavanje radi jačanja saradnje, povjerenja, uzajamne podrške i solidarnosti. Susret je protekao u znaku radionica, projekcije dokumentarnih filmova, druženja... i planiranja novih zajedničkih aktivnosti.

## IGLYO mreža

Fondacija CURE članica je IGLYO mreže, Međunarodne LGBTQI organizacije mladih i studenata/ica. IGLYO trenutno broji više od 100 nevjerovatnih i vrijednih organizacija članica koje se nalaze u više od 40 zemalja diljem svijeta, pomažući LGBTQI pokretu mladih da raste i razvija se.

Fondacija CURE učestvovala je u IGLYO godišnjem sastanku članova/ica mreže u sklopu Konferencije 2022 koja je okupila preko 70 LGBTQI mladih aktivista/ica iz više od 30 zemalja u periodu od 13. do 17.10. 2022. u Briselu. Od konferencije na kojoj je diskutirano o Općoj skupštini i izboru odbora, pa sve do radionica koje su vodili/e članovi/ce i zabavnih društvenih aktivnosti, ova tri dana dala su nam povoda za razmišljanje i još više su zbližila našu međunarodnu porodicu LGBTQI mladih aktivista/ica.

Veoma smo zahvalne i ponosne što smo dio ove nevjerovatne mreže.

## CURE - AKTIVNOSTI



# CURE Aktivnosti



\*Obilježavanje masakra u Stupnom Dolu, Vareš, 23. 10. 2022. \*Trening Združene ženere, Konjic \*Vijećnica, 5. 12. 2022.

\*AFŽ, Bosanski Petrovac, 6. 12. 2022. \*Panel Žene muškarci i patrijarhat \*Vrnjačka Banja, 3. 12. 2022. \*Konferencija Civilka, 12.12. 2022.

\*Sastanak u nizozemskoj ambasadi, 12. 12. 2022. \*Western Balkans Fund u Tirani – potpisivanje ugovora

- 8.10 – Prisustvovalo smo „Danimi tikve“ u Istočnom Sarajevu u organizaciji Udruženja građana „Probudi se“;
- 12.10 – Prisustvovalo smo prezentaciji Akcionog plana za ravnopravnost LGBTI osoba u BiH;
- 19.10. – Prisustvovalo smo projekciji filma „Nevidljiva“ slovačke rediteljke Maie Martiniak i na panel diskusiji „Siguran porodaj je naše pravo!“;
- 23.10. – Prisustvovalo smo obilježavanju masakra u Stupnom Dolu, Vareš, na poziv Udruženja žena za ruralni razvoj, održivi povratak, reintegraciju i resocijalizaciju povratnika „ZVIJEZDA“;
- 24.10. – Prisustvovalo smo prijemu u austrijskoj ambasadi u Bosni i Hercegovini povodom 26. oktobra, Dana državnosti Austrije;
- 2. 11. - Prisustvovalo smo radionici „Furthering Gender Equality through the EU Accession Process“, u organizaciji Prava za sve;
- 3.11. – Prisustvovalo smo predstavljanju PRAGG projekta „Proaktivni građani i građanke“ koji provodi konzorcij koji čine HELVETAS Swiss Intercooperation i NIRAS;
- 3. - 4. 11. – Prisustvovalo smo treningu „Združene komunikacije“ u organizaciji TRAG Fondacije na Igmanu;
- 4. - 6. 11. - Dale smo podršku Festivalu planeta ŽeNERA koji se održao u Konjicu. Čestitamo Nere!
- 9.11. – Prisustvovalo smo webinaru „Advancing anti-discrimination policies and LGBTIQ+ rights in the framework of EU integration process“;
- 20.11. – Prisustvovalo smo panel diskusiji na temu „Uloga neformalnog obrazovanja i cjeloživotnog učenja u poduzetništvu žena u BiH“ u okviru projekta „Dani poduzetništva žena“ u CEI Nahla;
- 22.11. - Prisustvovalo smo online radionici „Jačanje zalagačkih kapaciteta“ koju je organizirao Reactor – Istraživanje u akciji;
- 1.12. - Prisustvovalo smo sastanku „Sužavanje prostora za djelovanje udruženja i fondacija u BiH“ u organizaciji OCDC-a;
- 1.12. – Prisustvovalo smo Konferenciji „EU kandidatski status za BiH: Između zasluga i očekivanja“ u organizaciji Inicijative za monitoring evropskih integracija BiH i Friedrich Ebert Stiftung u BiH;
- 5. 12. – Prisustvovalo smo događaju „PROGOVARA(J)MO ZA PRAVNU PREPOZNATLJIVOST DJECE ROĐENE ZBOG RATA“ u organizaciji Udruženja „Zaboravljena djeca rata“;
- 6. 12. Članice Tima Fondacije CURE prisustvovalo su obilježavanju 80 godina od osnivanja Antifašističkog ženskog fronta (AFZ) Jugoslavije - masovne, emancipatorske, jedinstvene i ujedinjujuće organizacije i jedne od najvažnijih kada je u pitanju unaprjeđenje prava žena u bivšoj zajedničkoj državi. Antifašistički front žena formiran je u Bosanskom Petrovcu, gdje je 80 godina kasnije organizirana svečana akademija i radna konferencija povodom obilježavanja ovog važnog jubileja. Događaj je okupio preko 100 delegatkinja, partizanki, antifašista/kinja, političara/ki, aktivistkinja i još mnogo osoba koje su posvećene i osjećaju obavezu da nastave da se zalažu za prava žena i ravnopravnost spolova;
- 9. 12.– Prisustvovalo smo konsultativnom sastanku nevladinih organizacija u vezi sa Krivičnim zakonom FBiH i Zakonom o parničnom postupku FBiH u organizaciji TRIAL International-a;
- 9. 12. – Bile smo na događaju „Ženska ljudska prava“ koji je organizirao CFLI;
- 12.12. – Bile smo na promociji dokumentarnog filma „ Bigger Than Trauma“ iz oblasti zaštite ljudskih prava i panel diskusiji koju je organizirala nizozemska ambasada u BiH;
- 12. 12. - Prisustvovalo smo online radionici „Rodna analiza“ koju je organizirao Reactor – Istraživanje u akciji;

15. - 16. 12. - Prisustvovalo smo radionici „Validacija alata za praćenje i izvještavanje prema međunarodnim i domaćim normativnim obavezama“ u organizaciji UN Women u Doboju;
20. 12. - Prisustvovalo smo panel diskusiji „Osam uslova za kandidatski status Bosne i Hercegovine – glas civilnog društva“ u organizaciji Prava za sve;
23. - 24. 12. - Članice Fondacije CURE prisustvovalo su radionici „Jačanje kapaciteta nevladinih organizacija koja se bave pitanjima položaja žena i rodno zasnovanog nasilja“ u Banjoj Luci koju je organizirala Fondacija „Udružene žene“ iz Banje Luke.

#### **UGOSTILE SMO U FONDACIJI CURE:**

4. 10. - Ugostile smo srednjoškolce/ke iz Druge gimnazije i razgovarali/e smo o temama feminizma, aktivizma i ekonomskog osnaživanja žena;
10. 11. 2022. - Veliko nam je zadovoljstvo što smo imale priliku da ugostimo Sabine Kernthaller, direktoricu Austrijskog kulturnog foruma Sarajevo i razgovaramo o zajedničkoj saradnji u sljedećoj godini;
25. 11. - Ugostile smo Udruženje građana „SuperU“ iz Bratunca u sklopu projekta „Girl Power Bratunac“ u kojem učestvuje 20 djevojčica uzrasta od 10 do 18 godina; pridružile nam se na Uličnom performansu pod nazivom „Stop femicidu! Femicid – ubistvo žena samo zato što su žene“;
2. 12. - Posjetili/e su nas evaluator/ice Balkan trust-a kako bi razgovarali/e o pozitivnim i uspješno realiziranim projektima, te u cilju pisanja afirmativne priče bazirane na iskustvima i rezultatima projekta „Progovori o nasilju“ koji je završen sredinom 2022.

#### **DOGAĐAJI NA KOJIMA SMO BILE PODRŠKA I UČESTVOVALE U PROCESIMA:**

19. 10. - U Parlamentu BiH održale smo sastanak sa Sašom Magazinovićem, zastupnikom u Državnom parlamentu, povodom pitanja izmjene zakona u smjeru definiranja femicida kao posebnog krivičnog djela sa posebno propisanim kaznama;
- 21.10. - Pratile smo i bile smo posmatračice na suđenju u slučaju Dragičević;
9. 11. - Učestvovalo smo u pisanju Izvještaja u sjeni o implementaciji CEDAW konvencije u segmentu obrazovanja;
28. 10. - Sudjelovale smo kao govornice na panel diskusiji „Ljudska prava u BiH - da li foliramo da su nam važna?“ u Sarajevu u organizaciji PROEDUCA;
1. 12. - Jedna od članica Fondacije CURE učestvovala je kao panelistica na panelu „Žene, muškarci i patrijarhat“;
2. - 4. 12. - Članica Fondacije CURE učestvovala je kao predavačica na Feminističkoj proljećnoj škole za Srbiju i Kosovo koju su organizirale predstavnice Alternativnog centra za devojke Kruševac i Artpolis - Art and Community Priština;
8. 12. - U prostorijama Studentskog doma “Prof.dr. Fikret Hadžić” članica Fondacije CURE učestvovala je kao panelistica na Otvorenom forumu na temu problema nasilja nad ženama u organizaciji Fondacije „Izvor nade“ u partnerstvu sa TPO Fondacijom;
12. 12. - Članica Fondacije CURE učestovala je kao panelistica na konferenciji Civilka koja je osmišljena kao novo mjesto društvenog dijaloga, gdje skup relevantnih aktera/ica iz raznih sektora na otvoren i hrabar način propituju njosjetljivija i najvažnija pitanja vezana za razvoj i vrijednosti civilnog društva u BiH, u cilju jačanja i promocije ovog važnog sektora koji se često smatra stubom razvoja demokratije u svakoj zemlji. Tema prve Civilke je efikasnost i efektivnost projekata u BiH.
- Članica Fondacije CURE sudjelovala na sastanku sa dr. Bahiom Tahzib-Lie, ambasadoricom za ljudska prava nizozemskog Ministarstva vanjskih poslova 12.12.2022. u organizaciji Ambasade Kraljevine Nizozemske u BiH. Razgovaralo se o jednakim pravima za žene i djevojke i jednakim pravima za LGBTIQ+ osobe.
- Među više od 300 prijava, odabранo je 36 projekata koji su dobili podršku Western Balkans Fund-a, a među njima je i projekat Fondacije CURE koji će se realizirati u partnerstvu sa NVO Prima iz Podgorice, Crna Gora, CESI - Centar za edukaciju, savjetovanje i istraživanje iz Zagreba, Hrvatska i Alternativnim centrom za devojke / Alternative girls' center iz Kruševca, Srbija.



## ZA KRAJ FONDACIJA CURE ZAHVALJUJE SVOJIM VOLONTERKAMA

Međunarodni dan volontera/ki obilježava se 5. decembra, a tom prilikom Fondacija CURE se želi zahvaliti svojim volonterkama. Želimo da znate da je vaš dobrovoljni rad itekako vidljiv u našoj Fondaciji, a isto tako želimo da bude vidljiv kako na državnom, tako i na međunarodnom nivou. Zahvaljujući našim volonterkama uspjele smo da odradimo ogroman aktivistički posao, da organiziramo Osmomartovski marš, PitchWise festival ženske umjetnosti i aktivizma, 16 dana aktivizma protiv rodno zasnovanog aktivizma itd. Vaše ideje, vaše akcije, vaš bunt, vaš otpor je dokaz da će ženski pokret u BiH nastaviti da živi! Hvala vam na tome!

\*Dan volonterki, 5. 12. 2022

# U SUSRET **2023.**

FONDACIJA CURE ŽELI VAM  
SRETNE NOVOGODIŠNJE  
PRAZNIKE I USPJEŠNU  
AKTIVISTIČKU 2023. GODINU.  
PUNO USPJEHA U OTPORU  
PATRIJARHALNIM  
POLITIKAMA!

SOLIDARNI POZDRAVI  
SESTRAMA AKTIVISTICAMA  
ŠIROM SVIJETA!



\*Tim Fondacije CURE, decembar 2022.



## PRATITE NAS I PRIKLJUČITE NAM SE!

📞 +387 33 207 561   📩 info@fondacijacure.org   🌐 www.fondacijacure.org   🎙 fondacijacure

📷 @fondacijacure   🐦 @Fondacija\_Cure   🎥 Fondacija CURE

Hvala donatorkama i donatorima u 2022.!

Evropska komisija; Kvinn till Kvinn (KTK); Global Fund for Women (GFW); Fondacija TRAG/Fondacija OAK; Mediterranean Women's Fund; Heart and Hand Fund; Sigrid Rausing Trust; Heinrich Böll Stiftung Sarajevo (HBS); Friedrich-Ebert-Stiftung u Bosni i Hercegovini (FES); Reactor – Israživanje u akciji; ISCOS – Emilia Romagna; Women's World Day of Prayer (WWDP) - German Committee.